


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina, minggu enda kita bengket ku bas minggu Passion peenemken, eme minggu Judika, si mabai kita ngangka kerna keadilen ras kebujuren Dibata. I bas kinata kegeluhenta, megati turah kinilabujuren ras kinilaadilen, megati lanai si eteh ku ja ingan ngadu guna ndarami serpang puluh. Meremang kal sukat-sukat keadilen ras kebujuren i bas doni enda. Janah banci jadi, kita pe mekatep ikut ndalanken kinilaadilen i bas kegeluhenta, subuk i bas jabu, gereja ras masyarakat. Tuhu, labo ngasup manusia mereken si la lit i bas ia. Labo kita ngasup ndalan keadilen adi la kita nggeluh i bas keadilen Dibata.

Emaka arah minggu Judika enda, ibabai kita nggejap ras nggeluh i bas keadilen Dibata seh maka kita pe ndalanken kebenaran ras keadilen Dibata i bas kegeluhenta.

Erkata Lonceng

(Perp. Tedis)

Rende

KEE No. 5 : 1, 2, 3

(Serayan Kebaktin Bengket Ku Mimbar)

Kebaktin Minggu, 22 Maret 2026

Minggu Passion VI/Judika : “Cidahken Kerajanku Bujur O Jahwe”

3	Votum – Salam <i>(Perp. Tedis)</i>
L	I bas gelar Dibata Bapa si adil ras bujur, AnakNa Jesus Kristus si ncidahken geluh adil ras bujur, ras i bas gelar Kesah si Badia si ngajari pusuhta adil ras bujur. Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah si Badia, ras kita kerina gelah. Amin.
P	Amin Amin Amin (iendeken)
4	Berita Kerna Perbahanen ras Sura-sura Dibata (Invocatio)
L	“Kuendesken geluhku bas tanNdu, o TUHAN kam kap si ngkelini aku. Kam kap Dibata si Setia” (Masmur 31 : 6). Mari radu ras kita muji Tuhan arah ende-endenta : KEE No. 44 : 1, 2, 3
5	Pujin Kerna Perbahanen Dibata <i>(Perp. Kundul)</i>
L	Keadilen Dibata eme keadilen si maba kejuah-juahen. Si e teridah i bas biak Dibatanta si nepa manusia ras tinepa sideban nggeluh mulia bagi IA. Keadilen Dibata me erbahan kita medolat. Keadilen Dibata me si erbahan kerina tinepa terjaga alu mehuli. Si mbelin mehaga jadi erguna, si kitik pe la juru, tapi ibahanNa meherga.
P	Ikataken kami bujur Tuhan, i bas keadilenNdu si erbahan kami mehaga, dengen kerina tinepa pe erguna.
L	Sipuji Tuhan erkiteken perbahanenNa, alu ras kita rende i bas : KEE No. 19 : 1, 2, 3
6	Pengakun Kinikoten Ndalanken Kinibujuren
L	Turang senina, megati latihan siakap, gulut ukurta, erkiteken melala siidah ras sigejap kinilaadilen ras kinilabujuren i sekalewetta, bagepe i bas geluhta jine. Lanai si eteh serpang puluh ingan ngendesken gulut ukurta. Meremang kal pengangkanta kerna sukat-sukat keadilen ras kebujuren Dibata.

P	O Tuhan, kugejap kurang kal gegehku guna ndalanken kinibujuren i bas geluhku. Subuk i bas jabu, pendahin ras kegeluhen si teptep wari. Sampati kal min aku o Tuhan, i bas kinilangasupenku ngangkai ras ndalanken keadilan ras kinibujuren e.
L+P	Rende : KEE No. 76 : 1, 2
L	Turang senina, labo kita ngasup mereken si la lit i bas kita. Labo kita ngasup ndalan keadilan adi la siangka, adi la kita nggeluh i bas keadilan ras kinibujuren Dibata. Perlu pe sisedari maka kebiaren, aru ate, perjengilen eme ulih kalak si nggeluh i bas kinilaadilen kinilabujuren.
P	Ngaku aku O Tuhan, maka megati aku la adil ras bujur, si erbahan jabu ras temanku rate mesui. Ulihna, la lit kedamen ras ketenengen i bas pusuhku. Alemi min aku O Tuhan.
L+P	Rende : KEE No. 76 : 3, 4
7	Pergegeh Idur Dibata Nari <i>(Perp. Tedis)</i>
L	Selaku persuruhan Dibata aku nehken kataNa man banta kerina kita si ertedeh ate ndalanken kinibujuren Dibata. Nina Tuhan : <i>“Kalak si ngkelengi Aku, Kukelini kap, dengen kalak si ngakui Aku kap TUHAN Kukawali kap ia. Adi erlebuh ia man bangKu Kualoi me ia. Tupung ia i bas kiniseran, Aku kap ras ia; Aku kap simulahi ia dengen si pemuliakenca. Kubereken umur si gedang jadi upahna, dengen Kukelini ia” (Masmur 91 : 14 – 16).</i> Erkitekten kita enggo ipegegehi Dibata, sipuji IA alu ngendeken : KEE No. 110 : 1, 2, 3
8	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Ulangen 32 : 4 - 6 . Mari siogeken secara pegancih. Sibenaken pengogenta
32:4 L	TUHAN kap pengawalndu si mbisa, serta IA i bas kerina perbahanenNa. Dibatandu setia dengen bujur; ilakokenNa kai si mehuli dengen patut.

32:5 P	Tapi kam la setia, la metunggung pe jadi bangsaNa, sabap kam sada bangsa si perdosa dingén dem alu tipu.
32:6 L	Bagenda kin arusna perbahanenndu man TUHAN, o kam, bangsa si bodoh dingén la rukur? Bapandu kap IA, si nepa kam; ibahanNa kam jadi sada bangsa.
	<p data-bbox="268 521 1481 622">Ketuahen kalak si megiken Kata Dibata, dingén si makekenca ibas geluhna si teptep wari. Haleluya.</p> <p data-bbox="560 674 1182 723">Ialoi perpulungen alu ngendeken :</p> <p data-bbox="756 779 986 824"><i>Haleluya</i></p> <p data-bbox="756 887 986 931"><i>Haleluya</i></p> <p data-bbox="756 987 986 1032"><i>Haleluya</i></p>

b	Ertoto guna Khotbah
c	Khotbah : Lukas 23 : 38 - 42. Tema : “Inget Min Aku Tuhan”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>Kata Dibata si jadi palas man banta i bas nehken persembahen man Tuhan :</p> <p><i>“Persembahkanlah diri man Dibata saja selaku persembahen si nggeluh, sabab bage me arusna kam ersembah selaku tinepa si rukur.</i></p> <p>Tupung siendeken persembahenta mari radu ras kita rende : KEE No. 450 : 1, 2, 3, 4</p> <p>Pertoton Persembahen ras Syafaat</p>
11	Perpadanen Man Dibata <i>(Perp. Tedis)</i>
L	Dibata me ulu keadilan si mbela kita i bas kenilabujuren doni nari. I diloNa pe kita gelah nggeluh i bas keadilan ras kebujuren.

P	Erpadan kami Tuhan, ernalem man keadilen ras kebujurenNdu. Kami pe erpadan ndalanken keadilen ras kebujuren i bas jabu kami, i bas gereja, masyarakat ras i bas pendahin kami.
L	Guna mpeteguhi perpadanenta man Dibata, rende kita i bas : KEE No. 500 : 1, 2
12	Pertoton Tuhan
13	Pemasu-masun
	Berkatlah alu dame ras mejuah-juah, lakokenlah keadilen ras kinibujuren i bas geluhndu. Guna mpegegehi kam ngelakoken si e alokenlah pasu-pasu idur Dibata nari : <i>“Dibata si perkuah ate, si simpar alu kebayaken, si enggo nenahken kam ku kemulianNa si rasa lalap i bas Kristus, njadiken kam serta, tetap, megegeh dengen paguh. IA nge simada kuas seh rasa lalap” Amin.</i>
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>